

Morning Dogri (NSD) National News Bulletin 04-01-2025

आकाशवाणी

- 1- प्रधानमंत्री नरेन्द्र मोदी होर अज्ज नमीं दिल्ली च “ग्रामीण भारत महोत्सव-2025” दा उद्घाटन करगंन। एहदा मकसद ग्रामीण भारत गी सशक्त बनाना ऐ।
2. केन्द्र सरकार नै डिजीटल निजी डेटा संरक्षण नियमें-2025 दा मसौदा जारी करी दित्ता ऐ।
3. विदेश मंत्री डॉ. एस.जयशंकर होरें मालद्वीप दे विदेश मंत्री हुंदे कन्नै दपक्खिया गल्लबात कीती।
4. भारत ते ईरान नै चाबहार बंदरगाह, कृषि सैहयोग ते आर्थिक मुद्दें सनें समूलचे दपक्खिया सरबंधें दी समीक्षा कीती।
- 5- भारती मौसम विभाग नै उत्तर भारत दे केई हिस्सें च भारी बरखा, बर्फबारी ते घनी धुंध दा अनुमान व्यक्त कीता ऐ।
- 6- हॉकी इंडिया लीग च जंदी रातीं तमिलनाडू ड्रेगन नै वेदांता कलिंगा लेंसरस गी शूटआउट च हराई दित्ता।

<><><><><><><>

PM Gramin Mahotsav

प्रधानमंत्री नरेन्द्र मोदी होर अज्ज नमीं दिल्ली च ग्रामीण भारत महोत्सव 2025 दा उद्घाटन करडन। ओह इक जन सभा गी बी संबोधित करडन। महोत्सव दा मसकद ग्रामीण बुनियादी ढांचे दा विकास, आत्मनिर्भर अर्थव्यवस्था बनाना ते ग्रामीण समुदायें च नवाचार गी बढ़ावा देना ऐ। 6 दिन दे इस महोत्सव दा विषे सार ऐ 2047 तक विकसित भारत आस्तै समृद्ध ग्रामीण भारत बनाना। महोत्सव च उद्यमिता राएँ ग्रामीण महिलाएँ गी सशक्त बनाने पर ध्यान केन्द्रित कीता जाग। आयोजन दा मकसद पूर्वोत्तर भारत पर खास ध्यान केन्द्रित करदे होई ग्रामीण आबादी बशकार आर्थिक स्थिरता ते माली सुरक्षा गी बधाना ऐ।

<><><><><><><>

Rural Ministry

ग्रामीण विकास मंत्रालय नै 2025 च ग्रामं गी गरीबी थमां मुक्त बनाने दा फ़ैसला कीता ऐ। ग्रामीण विकास मंत्री शिवराज सिंह चौहाण होरें आखेआ ऐ जे उंदा मंत्रालय इस ब8रे ग्रामं गी गरीबी थमां मुक्त बनाने लेई वचनबद्ध ऐ। मंत्री होरें एह गल्ल कल नमीं दिल्ली च सब्बने राज्यें ते केन्द्र शासत प्रदेशें दे ग्रामीण विकास मंत्रिं कन्नै मंत्रालय आस्सेआ चलाई जा'रदी बक्ख-बक्ख योजनाएं बारे समीक्षा बैठक दरान आखेआ। मंत्री होरें राष्ट्र निर्माण च ग्रामं दी भूमका पर लोह पाई। केन्द्रीय मंत्री होरें आखेआ जे ग्रामीण विकास मंत्रालय दी योजनाएं, आम लोकें लेई उंदी मेद ते सुखने गी पूरा करने दा इक साधन ऐ। उनें आखेआ जे एह योजनाएं ग्रामं दे विकास लेई केन्द्र सरकार दी प्रतिबद्धता गी दर्शादी ऐ। मंत्री होरें आखेआ जे पिछले 10एं ब'रें च आवास योजना तैहत ग्रामीण इलाकें च 3 करोड़ 45 लक्ख घरें दा निर्माण कीता गेआ ऐ। उनें एह बी आखेआ जे होर लोकें गी बी इस योजना कन्नै जोड़ने लेई सर्वेक्षण दा कम्म शुरू होई गेआ ऐ।

<><><><><><>

Digital Data

केंद्र सरकार नै डिजिटल वैयक्तिक डेटा संरक्षण नियम 2025 दा मसौदा जारी करी दिता ऐ। इलेक्ट्रॉनिक्स ते सूचना प्रौद्योगिकी मंत्री अश्विनी वैष्णव होरें सोशल मीडिया पोस्टो पर इसी साझा करदे होई आखेआ ऐ जे मसौदा नियम परामर्श आस्तै खुले दा ऐ। उने इस बारे च लोकें गी अपने विचार जाहिर करने लेई आखेआ। डिजिटल निजी डेटा संरक्षण अधिनियम 2023 गी राष्ट्रपति द्रौपदी मुर्मु होरें अगस्त 2023 च मंजूरी दिती ही। मसौदा नियमें च डिजिटल निजी डेटा संरक्षण अधिनियम 2023 तैहत व्यक्तिगत सहमति लैने, डेटा प्रसंस्करण निकायें ते अधिकारियें दे कम्मकाज कन्नै जुडे दे प्रावधान कीते गए न। मसौदा नियमें मूजब डेटा प्रसंस्कारण कन्नै जुडे दा व्यक्ति, कंपनी या संगठन कुसै बच्चेन दा व्यक्तिगत डेटा लैने सोयां पैहले ओहदे माता पिता दी सहमति हासिल करने आस्तै उचित तकनीकी ते संस्थीगत उपाह लागू करना यकीनी करौग। मसौदा नियमें पर अपने विचार MyGov पोर्टल राएं 18 फरवरी तक जाहिर कीते जाई सकदे न।

<><><><><><>

EAM

विदेश मंत्री डॉ. सुब्रह्मण्यम जयशंकर ते मालदीव दे विदेश मंत्री डॉ. अब्दुल्ला खलील हुन्दे बशकार कल नमी दिल्ली च दपक्खी गल्ल बात होई। डॉ. जयशंकर होरें आखेआ जे भारत, मालदीव कन्नै अपने सरबंधें गी खास महत्व दिन्दा ऐ। उने भरोसा दोआया जे भारत गोंआंडी पैहले आहली नीति ते सागर दृष्टिकोण तैहत मालदीव गी सहयोग देना जारी रखौग। दोनें नेताएं पिच्छले बरे अक्टूबर च मालदीव दे राष्ट्रपति डॉ. मोहम्मद मुइज्जू हुन्दी भारत यात्रा दौरान होए दे समझौते दी प्रगति दी समीक्षा कीती। मालदीव दे विदेश मंत्री होरें भारत आस्सेआ मालदीव गी समें पर दिती गई आपातकालीन माली सहायता दी सराहना कीती। दोनें देशें भारत दी अनुदान मदाद कन्नै मालदीव च समुदायिक विकास परियोजनाएं दे त्रिए चरण गी लागू करने कन्नै सरबंधत समझौते पर दस्तखत बी कीते।

<><><><><><>

Jatinder Singh

केन्द्री साईंस ते टैक्नालोजी मंत्री डॉ. जितेन्द्र सिंह होर अज्ज नमी दिल्ली च वैज्ञानिक ते अधिकारिक अनुसंधान विभाग दे स्थापन दिवस दे 40 ब'रे पूरे होने दे समारोह च हिस्सा लेंगन। इस समारोह दा मुख आकर्षण सीएसआईआर ते लघु उद्योग भारती बशकार टैक्नालोजी ट्रांसफर दे सरबंध च होग। इस समारोह दा मकसद नवाचार ते औद्योगिक अनुसंधान दे सरबंध च मैहकमे दी भूमका दा सम्मान करना ऐ।

<><><><><><>

India-Iran

भारत ते ईरान नै चाबहार बंदरगाह, कृषि सहयोग, व्यापार ते आर्थिक मुद्दें ते सांस्कृतिक ते जनसम्पर्क सनें होरनें दपक्खी सरबंधें दी समीक्षा कीती ऐ। भारत-ईरान विदेश कार्यालय दी 19मी सलाहकार बैठक कल नमी दिल्ली च होई। विदेश सचिव विक्रम मिसरी ते ईरान दे उप-विदेश मंत्री माजिद तख्त रेवांची होरें बैठक दी सह-अध्यक्षता कीती। विदेश मंत्रालय नै इक ब्यान च गल्लबात च अफगानिस्तान, पश्चिम एशिया ते South Caucasus सनें सब्बनें क्षेत्रीय ते वैश्विक मुद्दें पर गल्लबात होई।

<><><><><><>

India Protest

विदेश मंत्रालय नै आखेआ ऐ जे भारत नै चीन गी एह जकीनी बनाने दा आग्रह कीता जे बृहमपुत्र नदी दे हेठले क्षेत्र दे राज्य दे हितें गी इस दरेया दे उप्परले इलाके दी गतिविधिएं कन्नै कोई नुक्सान नेई होए। थारलंग सैंगपो नदी पर पनबिजली परियोजना दे सरबंधे च इक सुआल दा परता दिंदे होई मंत्रालय दे प्रवक्ता रणधीर जयसवाल होरें आखेआ जे भारत नै माहिराना स्तर पर ते राजनियिक माध्यमें कन्नै अपने इलाके च पदिएं पर बना'रदी बड्डी परियोजनाएं गी लेइयै चीन कन्नै अपनी चिंताएं ते विचार गी लगातार सांझा कीता। उनें आखेआ जे सरकार तक्क रखना जारी रक्खगते भारत दे हितें दी राक्खी लेई महत्वपूर्ण गैह पुट्टग। इक होर सुआले दा परता दिंदे होई प्रवक्ता होरें आखेआ जे चीन दे होतान विभाग च 2 नमीं काउंटी दी स्थापना बारे घोशणा बारे ओह अवगत न। इनें तथकथित काउंटी दे अधिकार क्षेत्र दा किश हिस्सा केन्द्र शासत प्रदेश लद्दाख च औंदा ऐ। जयसवाल होरें आखेआ जे भारत नै इस क्षेत्र दे भारतीय इलाके च अवैध चीनी अधिकार गी कदें बी स्वीकार नेई कीता ऐ।

<><><><><><>

PM Humpy

प्रधानमंत्री नरेन्द्र मोदी होरें कल नमी दिल्ली च शतरंज चैम्पियन कोनेरू हम्पी ते उंदे परोआर कन्नै मुलाटी कीती। सोशल मीडिया पोस्ट च श्री मोदी होरें कोनेरू हम्पी गी खेड आइकॉन ते औने आहले खडारिएं आस्तै प्रेरणास्रोत दस्सेआ। मोदी होरें आखेआ जे हम्पी नै ना छडा भारत दा मान बदाया ऐ सगुआ उने अपने कौशल गी परतिए परिभाषित बी कीता ऐ। हम्पी महिला विश्व शतरंज चैम्पियनशिप दी उप-विजेता ऐ। ओह दो बारी महिला विश्व रैपिड शतरंज चैम्पियन रेई ऐ। उने दूआ विश्व रैपिड खिताब नमें बरे दे दो दिन पैहले न्यूयॉर्क च जित्तेआ। हम्पी नै अपना पैहला खिताब 2019 च जित्तेआ हा।

<><><><><><>

Jammu Rly Division

रेल मंत्रालय फिरोजपुर डिविजन दा पुर्नगठन करियै उत्तरी रेलवे जोन तैहत इक नमा रेलवे डिविजन कायम करोग जेदा मुख्यालय जम्मू च होग। आकाशवाणी संवाददाता नै जानकारी दिती ऐ जे मंत्रालय आसेआ उत्तरी रेलवे गी पैहली जनवरी 2025 गी आधिकारिक तौर पर

दिती गेदी जानकारी च आखेआ गेआ ऐ जे जम्मू डिविजन लेई 5 सैक्शनां प्रस्तावित कीतियां गेइयां न। तोआई, 5 जनवरी गी श्रीनगरथमां जम्मू लेई इक विशेष निरीक्षण रेल गड्डी चलाई जाग जेड़ी खित्ते दे रेल सरबंधी विकास च इक संगेमील साबित होग। प्रधानमंत्री नरेंद्र मोदी होर 6 जनवरी गी वीडियो कांफ्रेंसिंग राहें जम्मू रेलवे डिविजन दी स्थपना दी घोषणा करंगन। इस कार्जक्रम च जम्मू कश्मीर दे उपराज्यपाल मनोज सिन्हा होर ते मुख्मन्त्री उमर अब्दुल्ला बी शामिल होंगन। 5 जनवरी गी केंद्री रेल मंत्री होर श्रीनगर रेलवे स्टेशन ते कश्मीर रेल परियोजना दी उधमपुर-श्रीनगर-बारामूला रेल लिंक सेक्शन दा निरीक्षण करंगन।

<><><><><><>

Weather

उत्तर भारत दे केई हिस्से च घनी धुंध ते शीत लैहर दे चलदे आम रोजा जिंदगी पर माड़ा असर पवा'रदा ऐ। केई सारे हिस्से च अज्ज बडलै मूंह न्हरे घनी धुंध कारण दूर तगर नजरी नेई आवा'रदा हा। दिल्ली, उत्तर प्रदेश ते हरियाणा च लोकें गी सफर करने च बड़ी मती मुश्कल दा सामना करना पेआ। घनी धुंध कारण दिल्ली ब्हाई अड्डे पर ब्हाई डोआरिएं पर बी एहदा असर पेआ। मौसम विभाग नै पेशगोई कीती ऐ जे अगले दऊं दिन दरान उत्तर पच्छम ते मध्य भारत च घनी धुंध ते शीत लैहर जारी रौहग। विभाग नै जम्मू कश्मीर, लद्दाख, गिलगित बाल्टिस्तान ते मुज्जफराबाद च अगले दऊं दिनें दरान भारी बरखा ते बर्फबारी दी पेशगोई कीती ऐ।

मौसम विभाग नै जम्मू-कश्मीर च औंदी 5 ते 6 जनवरी गी मौसम सरबंधी येलो-अलर्ट आहली चेतावनी जारी करदे होई आखेआ ऐ जे इस दरान बक्ख-बक्ख थाहें पर भारी बरखा ते बर्फबारी होई सकदी ऐ। मौसम विभाग दी चेतावनी च प्रदेश दे केई हिस्सें च भारी बरखा बरने ते बर्फबारी दे असार दस्से गे न। इस अवधि दरान, उच्चिएं धारें पर बर्फू दे ल्हास-तोदे पौने ते मुख्म सिड्कें पर गड्डिएं दी आओजाई प्रभावित होने दी शेंका बी जताई गई ऐ।

<><><><><><>

Cricket

क्रिकेट च सिडनी च खेड्डी बार्डर गवास्कर ट्रॉफी दे 5में ते खीरले टैस्ट मैच दे दुए रोज भारत नै आस्ट्रेलिया बश्कार खेड्ड जारी ऐ। खीरी खबरां थ्होने तगर आस्ट्रेलिया नै भारत खलाफ अपनी पैहली पारी च 8 विकेटें दे नुकसान पर 155 रंज बनाई लैते हे। आस्ट्रेलिया दी टीम नै अपनी पारी दी शुरूआत कल 1 विकेट दे नुकसान पर 9 रंज कन्नै कीती ही। कल पैहले बल्लेबाजी करदे होई भारती टीम नै 186 रंज बनाइयै गै पूरी टीम आउट होई गई ही।

<><><><><><>

Hockey India League

हॉकी इंडिया लीग च कल राती राउरकेला च तमिलनाडु ड्रैगन्स नै वेदांता कलिंगा लांसर्स गी शूटआउट च हराई दिता। ड्रैगन्स नै दो बारी पिच्छडने दे बावजूद तय समें च स्कोर 2–2 कन्नै बराबर करी लैता ते शूटआउट च वेदांता गी 6–5 कन्नै हराईऐ इक महत्वपूर्ण बोनस अंक हासिल कीता। संजा 6 बजे श्राची राढ बंगाल टाइगर्स दा मुकाबला दिल्ली एसजी पाइपर्स कन्नै होग, जिसलै कि रात सवा 8 बजे हैदराबाद तूफान ते टीम गोनासिका आने सामने होंडन।

<><><><><><>